

Bojić: Propisi u oblasti maloljetničke delinkvencije dobri, ali se ne provode

Neophodan je veći broj uposlenih u ustanovama za zbrinjavanje maloljetnika u sukobu sa zakonom, finansijska sredstva za obuku kadra, kvalitetnije obrazovanje te djece te reguliranje ostvarivanja njihovih prava na besplatnu zdravstvenu zaštitu.

To su generalne preporuke Analize stanja u ustanovama u kojima su smješteni maloljetnici u sukobu sa zakonom u BiH, koja je jučer prezentirana na tematskoj sjednici Zajedničke komisije Parlamentarne skupštine BiH za ljudska prava.

Aleksandra Marin-Diklić, šefica Odjela za praćenje



S prezentacije: Neophodna obuka kadra

(Foto: B. Nizić)

prava djece pri institucijama Ombudsmana za ljudska prava BiH, istakla je da su posjetili sedam ustanova u BiH u kojima se nalaze maloljetnici u sukobu sa zakonom.

- Sretni smo zbog činjenice da se u posljednje vrijeme smanjuje broj maloljetnih delinkvenata. Imamo 98 djece u tim ustanovama i moramo sve resurse usmjeriti pre-

ma tome da im pomognemo – poručila je Marin-Diklić.

Da su zakonodavne institucije donijele dobre zakone te da bi, kada bi se primijenili kako su propisani, napredak i stanje u BiH bili mnogo bolji, smatra Borislav Bojić, predsjedavajući Zajedničke komisije Parlamenta BiH za ljudska prava.

- Predmet rasprave na svim nivoima vlasti u BiH je položaj djece, njihova sigurnost. Imamo neujednačen pristup rješavanju ovih pitanja, ali potrebno je koristiti pozitivna iskustva institucija i ustanova koje su ostvarile uspjeh – ističe Bojić. **E. S.**